

UN BISTAZO DEN BAUL DI HUCONA DESPUES DI TANTO AÑA

Pa cuminza awe, lesando informacionnan di afo, mi a bisa cu president Hugo Chavez a equivoca di pais ora el a menciona di lo trece cambianan den institucionnan cultural di su pais.

El a anuncia den su programa radial semanal cu e siman aki e ta cambia tur directivanan di institucionnan cultural pasobra cultura na Venezuela ta elitiza. "Cultura ta ser maneha pa elite, un principado, prinsnan, reynan, herederonan, familianan cu ta haci nan mes doño di institucionnan, instalacionnan cu ta costa estado miyones", el a indica.

Ora mi a lesa esaki, mi a bisa cu el a equivoca.

No ta Venezuela e mester a menciona, sino Aruba, pasobra asina e situacion ta riba e isla cu ta birando isla bananero cu nos ta yama Aruba tambe.

NOS TA BAY BACK PA NOS RAIZNAN

Mirando e tanto problema di AZV y kico lo bini despues ta muestra cu nos tin cu bay back pa nos raiznan.

Imaginabo cu un señora mester bay tratamiento cerca especialista di wowo, segun su afspraak y no por haya e tratamiento cerca su propio especialista, pasobra e no tabata tin tarheta di AZV.

E no por haya OK di su docter di cas tampoco, pasobra secretaria di e docter ta bisa cu locual DIARIO a publica no ta verdad, sabiendo masha bon cu e publicacion cu a sali di cu mester tin confirmacion di docter di cas no a sali di DIARIO pero di e instancianan concerni mes.

E señora no por a bini cla cu AZV tampoco, y mester warda te dia e bin cla cu AZV pa e haya su tratamiento.

Pa e dia ey, kizas e poco cu e ta mira ainda, ta bay perdi y e ta keda ciego.

Mi ta mira cu pronto lo bin otro aseguro despues di AZV.

Esaki lo ta Algemene Eigendom Verzekering (AEV).

For di salario di tur hende lo kita mensualmente 7.5 % cu lo cubri aseguro di auto, aseguro di cas, aseguro di tereno, aseguro di candela, aseguro contra tercero den caso di transito, aseguro di bestianan di cas y aseguro di bida.

E suma ta wordo agrega riba e suma di Erfpacht y Grondbelasting.

Di e manera aki tur hende ta asegura completo y no tin problema mas di paga esaki paga esaya.

Por a lesa tambe cu ta tur cos ta hipoteca hasta santana ta wordo hipoteca. Ta esaki ta locual ta "Back to the roots", back pa nos raiznan.

Loke tur hende lo mester haci awor ta: coba un buraco den cura di cas, hinca e difunto den un urna y dere den cura mes, pasobra ni den santana bo no ta "sosega na paz mas".

E MUCHA Y E BAYMENTO CAS CU E MUCHA

E informacion di e mucha cu a perde y cu un persona lo a piki e mucha den Klip cu auto, y tene na cas dos dia etc. no ta exactamente corecto,

esta locual mi a lesa di e caso aki.

Pa mala suerte mi no tabata tey ora cu e informacion a wordo traha.

E caso no ta manera e publicacion tabata di cu hende a para auto bay cu e mucha.

E realidad ta otro y ta e mucha a presenta na cas di e persona.

E persona a yega cas haya e mucha sinta dilanti cas ta spera, pasobra na varios ocasion e mucha a pasa dia eynan hunto cu hopi otro mucha cu ta den mes situacion cu e mucha aki, sea na cas of cerca otro familia.

Tin un desarojo otro tras di e problema cu e mucha ta pasando aden, y no ta manera ta aparenta, y varios institucion di nos isla tambe sa esey, y ta sostene e trabao cu e persona cu tabata tin e mucha na cas, ta haci pa muchanan.

E realidad mes di henter e asunto y kico ta kico tras di e hecho cu e mucha no a presenta na cas ta completamente otro.

Esaki a djies un alcareaacion riba e caso ey.

OTRO CASO CU A HALA ATENCION

Otro caso cu ayera a hala mi atencion ta di e persona cu inhustamente a wordo **DETENI** y haya trato di abuso pa guardianan di seguridad di **MILITAIRE ACADEMIE** manera e guardianan aki ta wordo yama na cierto hotel di un compania cu ta e graduadonan di militaire academie so ta tuma na trabao y unda **ARUBANO** no por drenta.

E persona VT a bay cambia holoshi cu el a cumpra (di algun mil **DOLLAR**). Un **ARUBANO** esaki tabata.

Aparentemente pasobra e ta Arubano y tabata tin algun bitter aden, e no mag di tin placa pa por cumpra un holoshi asina.

Despues cu nan a tire abao, lastre hinke den un huki, boei e persona yama polis pa supuesto **LADRONICIA** di holoshi, ta bin resulta cu e meneer tin su recibonan cune cu nomber y direccion.

El a djies bay reclama cu e holoshi no ta traha y ta yama guardia pasobra TA **SOSPECHA** cu e holoshi ta horta.

E empleada por a siquiera puntra si el a cumpra e holoshi ey y si e tin recibo, na lugar di yama guardia cu sigur sin educacion a maltrata e homber di e manera ey. E

saki mey mey di nos ramo turistico, caminda mester sa mihor con pa trata cu hende y corda cu **BO NO TA POLIS**.

Poco tempo pasa na otro hotel, aki un lowrise, ata un di e guardianan (atrobe sin educacion) y no sa con pa trata cu hende ta detene un bishitante cu a caba di sali di lama, kita e homber su pañanan, y **HORTA** pertenencianan di e homber.

El a scapa pasobra e homber no kier a denuncie, pero e mal smaak turistico ta keda existi si.

Hopi di e cosnan aki ta pasando y riba e isla aki no tin **NI UN INSTANCIA** pa sali na defensa di abusonan asina, **NI SI DENUNCIA** esaki.

"Money Talks!"

Juby